

JAMHURI YA MUUNGANO WA TANZANIA

BUNGE LA TANZANIA



ORODHA YA SHUGHULI ZA LEO

MKUTANO WA KUMI NA NANE

KIKAO CHA KWANZA

27 JANUARI, 2015



## ORODHA YA SHUGHULI ZA LEO

---

### MKUTANO WA KUMI NA NANE

**KIKAO CHA KWANZA – TAREHE 27 JANUARI, 2015**

Wimbo wa Taifa Kuimbwa, Dua Kusomwa na  
Kikao Kuanza Saa Tatu Asubuhi.

**I. KIAPO CHA UAMINIFU:**

Mhe. George Mcheche Masaju

**II. TAARIFA YA SPIKA:**

**III. HATI ZA KUWASILISHA MEZANI:**

**WAZIRI WA ELIMU NA MAFUNZO YA UFUNDI:**

Taarifa ya mwaka ya utendaji kazi na Hesabu za Chuo Kikuu Huria cha Tanzania kwa Mwaka wa Fedha, 2012/2013 (*The Annual Report on the Activities of The Open University of Tanzania for the Financial Year, 2012/2013*).

## **IV. MASWALI:**

### **OFISI YA WAZIRI MKUU:**

#### **1. MHESHIMIWA DEO KASENYENDA SANGA (NJOMBE KASKAZINI):**

Atamuuliza Mheshimiwa Waziri Mkuu:- Hospitali ya Mji wa Makambako ina upungufu wa Waganga na vifaa tiba hasa vyatupasuaji:-

- (a) Je, Serikali itaipatia lini vifaa hivyo vyatupasuaji ili wananchi wasiwe wanakwenda Njombe au llembula kupata huduma hizo;
- (b) Je, ni lini watapatiwa Waganga na Wauguzi.

#### **2. MHESHIMIWA EZEKIA DIBOGO WENJE (NYAMAGANA):**

Atamuuliza Mheshimiwa Waziri Mkuu:- Nyumba za kuishi walimu kwenye shule mbalimbali nchini zimejengwa na wananchi kwa kushirikiana na Serikali:-

Je, ni kwa nini Halmashauri zingine nchini zinawatoza kodi walimu wanaoishi kwenye nyumba hizo za shule wakati zimejengwa kwa nguvu za Wananchi.

## **WIZARA YA ELIMU NA MAFUNZO YA UFUNDI:**

### **3. MHESHIMIWA CONCHESTA LEONCE RWAMLAZA (VITI MAALUM):**

Atamuuliza Mheshimiwa Waziri wa Elimu na Mafunzo ya Ufundi:- Shule za Sekondari binafsi zinazotoa elimu hapa nchini huwapokea wanafunzi kwa kuwawekea wastani wa alama wanazotakiwa kufikia baada ya kuwatahini, na wanapofika Kidato cha tatu hutahiniwa tena na wale ambao hawakufikia wastani wa alama zinazotakiwa hurudishwa nyuma (hukariri kidato hicho) au hufukuzwa shule, jambo linalowaathiri sana wazazi wanaolipa karo kubwa lakini zaidi watoto huathirika sana kisaikolojia, na wengine hukata tamaa kabisa kuendelea na masomo:-

- (a) Je, Serikali inalitambua tatizo hilo;
- (b) Kama Serikali inalifahamu jambo hilo, inachukua hatua gani.

#### **4. MHESHIMIWA AMINA MOHAMED MWIDAU (VITI MAALUM):**

Atamuuliza Mheshimiwa Waziri wa Elimu na Mafunzo ya Ufundı:- Kumekuwa na uhaba mkubwa wa Walimu wa masomo ya Sayansi na Hisabati nchini:-

Je, Serikali ina mkakati gani wa kunusuru hali hiyo.

#### **WIZARA YA MAWASILIANO, SAYANSI NA TEKNOLOJIA:**

#### **5. MHESHIMIWA GREGORY GEORGE TEU (MPWAPWA):**

Atamuuliza Mheshimiwa Waziri wa Mawasiliano, Sayansi na Teknolojia:- Serikali imeahidi ujenzi wa Minara ya Mawasiliano ya simu katika Wilaya zote nchini:-

Je, ni lini ujenzi wa minara hiyo utaanza katika Wilaya ya Mpwapwa hususan katika Kata za Matomondo na Mima ambako Waziri mwenye dhamana alishaahidi kwamba fedha zimeshapatikana za kujenga minara mwili kila Kata na kwamba ujenzi huo ungeanza rasmi mwezi Oktoba, 2014.

## **6. MHESHIMIWA MOHAMED HAMISI MISSANGA (SINGIDA MAGHARIBI):**

Atamuuliza Mheshimiwa Waziri wa Mawasiliano, Sayansi na Teknolojia:- Pamoja na kazi nzuri ya kujenga minara mipyä mitatu katika vijiji vya Mwaru, Mgungira na Muhintiri bado usikivu wa simu sio mzuri katika vijiji vingi:-

- (a) Je, ni hatua gani zinazochukuliwa kuimarisha usikivu wa simu katika maeneo hayo;
- (b) Je, ni lini vijiji vya Msungua, Irisya, Mwasutianga, Mnang'ana, Igłasoni, Nduru vitajengewa minara ya simu za mkononi ili kuwawezesha Wananchi katika vijiji hivyo kupata mawasiliano mazuri.

## **WIZARA YA NISHATI NA MADINI:**

## **7. MHESHIMIWA MTUTURA ABDALLAH MTUTURA (TUNDURU KUSINI):**

Atamuuliza Mheshimiwa Waziri wa Nishati na Madini:- Mhe. Rais, Dkt. Jakaya Mrisho Kikwete alipofanya ziara Tunduru Kusini mwaka 2014 alikubali ombi la wananchi wa kijiji cha Nalasi kuwapatia Umeme wa Jua ili kuendesha mashine ya kusukuma maji iliyopo kijijini hapo na aliyekuwa Waziri wa Nishati na Madini, Prof. Muhongo aliahidi kutekeleza ombi hilo mara moja:-

Je, Serikali imefikia hatua gani katika utekelezaji wa ombi hilo.

## **8. MHESHIMIWA MAGDALENA HAMIS SAKAYA (VITI MAALUM):**

Atamuuliza Mheshimiwa Waziri wa Nishati na Madini:- Mradi wa Umeme Vijijini unasaidia sana kuharakisha maendeleo kwenye maeneo mbalimbali vijijini:-

- (a) Je, ni vijiji vingapi vyta Wilaya ya Kaliua vimepatiwa umeme katika awamu ya pili inayoendelea;
- (b) Je, ni vijiji vingapi ambavyo bado na utekelezaji wake uko katika hatua gani;
- (c) Mhe. Rais alipotembelea Wilaya ya Kaliua mwaka 2013 aliagiza Kituo cha Afya cha Busindi katika Wilaya ya Kaliua kipatiwe umeme mara moja; Je, ni kwa nini ahadi hiyo mpaka sasa haijatekelezwa.

## **WIZARA YA AFYA NA USTAWI WA JAMII:**

### **9. MHESHIMIWA ELIZABETH NKUNDA BATENGA (VITI MAALUM):**

Atamuuliza Mheshimiwa Waziri wa Afya na Ustawi wa Jamii:- Wakati akiwasilisha bajeti ya Wizara yake kwa mwaka wa fedha 2013/2014 Waziri wa Afya na Ustawi wa Jamii alisema kwamba, shilingi milioni 150 zimetengwa kwa ajili ya kuanza ukarabati wa makao ya Wazee wasiojiweza Kilima katika Wilaya ya Bukoba; lakini fedha hizo hazikupelekwa na hata mwaka wa fedha uliofuata wa 2014/2015 hakuna fedha iliyotengwa:-

- (a) Je, Waziri anatoa maelezo gani;
- (b) Je, Serikali inasubiri mpaka majengo hayo yawaangukie wazee wanaoishi katika makao hayo ndipo ichukue hatua.

## **WIZARA YA MALIASILI NA UTALII:**

### **10. MHESHIMIWA RAJAB MBAROUK MOHAMED (OLE):**

Atamuuliza Mheshimiwa Waziri wa Maliasili na Utalii:- Kutokana na vitendo vya ujangili vinavyofanyika katika mbuga zetu nchini; tayari athari kubwa imeanza kujitokeza hasa kwa baadhi ya Tembo kuzaliwa bila kuwa na meno:-

Je, Serikali imechukua hatua gani za kiutafiti kujua tatizo hili linasababishwa na nini.

## **WIZARA YA UJENZI:**

### **11. MHESHIMIWA JEROME DISMAS BWANAUSI (LULINDI):**

Atamuuliza Mheshimiwa Waziri wa Ujenzi:-

Barabara ya ulinzi kutoka Mtwara, Newala, Lulindi hadi Nanyumbu ni muhimu sana kwa ulinzi na pia kiuchumi kwa wananchi wa maeneo hayo:-

Je, ni lini Serikali itaona umuhimu wa kuitengeta fedha barabara hiyo ili kuwaondolea tatizo la

usafiri wananchi waishio maeneo hayo ya mpakani kati ya Msumbiji na Tanzania.

## **12. MHESHIMIWA DKT. CYRIL AUGUST CHAMI (MOSHI VIJIJINI):-**

Atamuuliza Mheshimiwa Waziri wa Ujenzi:- Ujenzi wa barabara ya Kibosho yeny urefu wa km 43 imechukua miaka saba (7) na hadi sasa ni km 24 tu zimejengwa kwa lami:-

Je, ni lini Serikali itakamilisha ujenzi wa barabara hiyo.

## **WIZARA YA MAENDELEO YA MIFUGO NA UVUVI:**

## **13. MHESHIMIWA RACHEL ROBERT MASHISHANGA (VITI MAALUM):**

Atamuuliza Mheshimiwa Waziri wa Maendeleo ya Mifugo na Uvubi:-

Je, ni lini Kiwanda cha Kusindika Nyama kilichopo Shinyanga kitaanza kufanya kazi.

## **WIZARA YA ARDHI, NYUMBA NA MAENDELEO YA MAKAZI:**

### **14. MHESHIMIWA DKT. DALALY PETER KAFUMU (IGUNGA):-**

Atamuuliza Mheshimiwa Waziri wa Ardhi, Nyumba na Maendeleo ya Makazi:- Mashirika na Madhehebu ya Dini, yamechangia sana katika utoaji wa huduma za Afya na Elimu kwa kujenga, kumiliki na kuendesha shule, vymuo, hospitali, vituo ya afya, zahanati n.k pamoja na kazi hiyo nzuri madhehebu hayo ya Dini hulazimika kulipia ada na tozo kubwa za viwanja na majengo ya huduma hizo muhimu hali inayosababisha Wananchi kupata huduma hizo kwa gharama kubwa kufidia gharama za uendeshaji:-

Je, kwa nini Serikali isiondoe ada na tozo za mwaka za viwanja kwa ajili ya zahanati, vituo vya afya, hospitali na vymuo vinavyoendeshwa na kumilikiwa na Mashirika na Madhehebu ya Dini kama ilivyo kwa viwanja na majengo ya Serikali ambavyo havitozwi ada na tozo za mwaka.

**DODOMA**

**DKT. T. D. KASHILILAH**

**27 JANUARI, 2015**

**KATIBU WA BUNGE**